

Lánasjóður sveitarfélaga - Reikningsskil
- 6 mánaða uppgjör 2009

Lánasjóður sveitarfélaga starfar sem lánafyrirtæki skv. lögum um fjármálafyrirtæki og skv. lögum um hlutafélög. Hlutverk sjóðsins er að tryggja íslenskum sveitarfélögum, stofnunum þeirra og fyrirtækjum lánsfé á hagstæðum kjörum til verkefna sem hafa almenna efnahagslega þýðingu. Sveitarfélögin bera ekki ábyrgð á skuldbindingum hans, en tryggingar fyrir útlánnum hans eru í tekjum sveitarfélaga skv. 3. mgr. 73. gr. sveitarstjórnarlaga nr. 45/1998, sbr. reglugerð um tryggingar Lánasjóðs sveitarfélaga í tekjum sveitarfélags nr. 123/2006. Helstu niðurstöður úr ársreikningum sjóðsins í m.kr. eru:

Rekstur tímabils m.kr.	1H2009	1H2008	1H2007	2008	2007	2006
Hreinar vaxtatekjur	686	1.698	597	2.720	1.385	1.139
Aðrar rekstrartekjur	-31	-495	115	-1.390	-97	121
Almennur rekstrarkostnaður	69	41	30	105	70	64
Hagnaður tímabilsins	586	1.163	682	1.225	1.219	1.195
	30.jún	31.des	30.jún	31.des	30.jún	31.des
Efnahagur í lok tímabils m.kr.	2009	2008	2008	2007	2007	2006
Útlán	63.825	60.358	44.317	39.267	35.317	31.692
Aðrar eignir	4.540	3.598	4.800	2.466	3.622	2.275
Langtímaskuldir	54.947	51.025	35.430	29.255	26.422	21.957
Aðrar skuldir	1.558	1.658	2.476	2.430	3.049	3.181
Eigið fé	11.859	11.273	11.211	10.048	9.468	8.829
CAD-hlutfall Basel II	62%	57%	87%	-	-	-

Afkoma lánasjóðsins á fyrri hluta ársins 2009 var í samræmi við væntingar og er tekjuafgangur 586 m.kr. á móti 1.163 m.kr. fyrir sama tímabil fyrra árs.

Útlán sem fjármögnuð eru með eigin fé eru verðtryggð og þar sem hækkun vísitölu á fyrri hluta árs er lægri en á sama tímabili í fyrra skýrir það lægri afkomu nú samanborið við 2008. Vextir af þeim lánum hafa verið óbreyttir frá síðasta hausti 4,25%. Einnig var ávöxtun á lausu fé lægri en á sama tímabili á síðasta ári, en er þó góð miðað við efnahagsástand.

Á tímabilinu var skuldabréf útgefið af SPRON fært að fullu niður í bókum sjóðsins. Sjóðurinn mun krefja skilaneftnd um greiðslu skuldarinnar en óvíst er með heimtun. Sama á við um afleiðuskuld Glitnis banka við sjóðinn sem sjóðurinn hefur lýst í þrotabú bankans.

Útborguð langtímalán á fyrri hluta ársins 2009 voru 4,9 ma.kr., samanborið við 6,3 ma.kr. á sama tíma árið 2008. Vanskil eru engin og hefur sjóðurinn ekki tapað útláni frá því að hann hóf starfsemi árið 1967.

Á tímabilinu gaf sjóðurinn út skuldabréf að fjárhæð 6,5 ma.kr. á innlendum skuldabréfamarkaði.

Eigið fé í lok tímabilsins var 11,9 ma.kr. á móti 11,2 ma.kr. um mitt ár 2008. Vegið eiginfjárhlutfall, svonefnt CAD-hlutfall, var í lok tímabilsins 62% samkvæmt hinum nýju Basel II reglum.

Gert er ráð fyrir að hagnaður lánasjóðsins fyrir árið í heild verði svipaður því sem var síðastliðin tvö ár, en það mun aðallega ráðast af hækkun verðlags það sem eftir lifir árs og þróun skammtímaxta.

Opinn kynningarfundur fyrir markaðsaðila verður haldinn fimmtudaginn 3. september 2009 í starfsstöð sjóðsins, Borgartúni 30, 5 hæð. Óttar Guðjónsson framkvæmdastjóri og Magnús B. Jónsson formaður stjórnar munu kynna afkomu og efnahag sjóðsins ásamt því að svara spurningum. Kynningin hefst kl. 16:00.

Nánari upplýsingar veitir: Óttar Guðjónsson, framkvæmdastjóri, s. 515 4949.